



Vol. 59 No.11

May, 2021

# HINNA THAH



## NTBCA LAMKA BIAL SEMINAR

KUMPUAN

“LALPA DIINGA PHATUAMNGAI”

Tita 2:14

# HINNA THAH

Vol. 59 No. 11 | May, 2021|

## Editorial Board

### Editor

Rev. Thangkhanlal Hangluah  
(7005433057)

### Joint Editors:

1. S. Pauchinlian  
(9597515230)

2. Hh. Khaizathang  
(7005689071)

### Subscription Manager

L. Ginsuanmung

### Contribution Editors:

Rev. B. Nengzachin

Rev. T. Chinkhangen

Rev. H. Kamkhanlal

Rev. T. Danial

Rev. P. Khamthianmang

Rev. Paukhochinjam Thangsing

NTBCA Office contact no.  
7630096496

## contents

- Editorial..... 01
- I zuih Kross lampi chu ..... 04
- Thuhunlui laia hagau siangthou..... 06
- Missionary Biography Richard Wurmbrand...07
- Hagau khawldamna.....09
- Bible Study..... 11
- Pathian ngaah zou Joseph..... 18
- Ngaihdamna..... 21
- Teuhlou mai..... 23
- Numei pawlpi hutdamna camp report..... 26
- NTBC Lungthul (L) tanchin tomkim..... 28
- HBCH Kitechen leh store room honna ..... 32

### Hinna Thah laah man kum khatin

By Hand = Rs. 150

By Post = Rs. 200

Email Id: [ntbca@yahoo.com](mailto:ntbca@yahoo.com)

Thusuah photmah Editor ngaihdaan  
ahi veh sih, a suahtute'n moh  
akipuaah diing uhi.

## “EN UN, PATHIAN BELAAMNOU”

~ S. Pauchinlian

Amasa in Hinna Thah simtu deihtah unau Khrist min in chibai! Lalpa hoihna leh malsawmna tang in Palm Sunday, Good Friday leh Easter Sunday sermon ngaihnuam huai tahtah nuamtah a na umna kouhtuam vah na jaah uh, na hamphatpilh chiat diing uh zong ka gingta a, hite tungtawn in Pathian in loupina tang ta hen. Awle, tu ha (May) Editorial message ah “*En un, Pathian Belaamnou*” chih thupi zang in saulou houlim lei uthuai kasa hi.

*A jingni’n Johan in Jesu a kawm lama hung a mu a, “En un, Pathian belaamnou khovel سوالنا pomangpa chu!” Johan 1:29*

Hi a tunga Bible chaang soitu chu Pathian a hisih a, baptistu Johan ahizaw hi. Pathian thu (Thuhun Lui) deihtoh mahmah leh thei pen a kikoih Pharisaite, leh Lehkhagialtute’n Jesu hung piang diing, Jesu a hung diing nasataha a giahun kinappih leh guntah in Pathian thu toh a suut va, himahleh Jesu ahung paitah in ana theisih uhi. Himahleh, siampu chi a piang (Luk. 5ff) Baptistu Johan in chu hohtah in Jesu koi ahiai chih chiantah in a thei hi (Johan 1:19ff). Huchiin Jordan lui ah baptisma pia a Pathian nna atoh laiin, Jesu amah kawm lam juaan a hung pai amuhtah in, “En un, Pathian belaamnou khovel سوالنا pomangpa chu” chiin a kawm a mite kawmah Jesu chu a phuangta ahi. Achihleh, Johan thugen jatute in bangchiin a theisiam diviai? Johan in Jesu Pathian belaamnou khovel سوالنا pomangpa achih bangchiin a thei dih viai? Baptistu Johan thugen mite’n a heetdan diing uh i gentheitna diing in Thuhun Lui laia belaamnou kizatna (kithoihna) tamlou i nung et zual diing uhi.

### **Chiahkaan belaamnou (Passover lamb), Pawtdohbu 12:1-14**

Judate in chiahkaan a mang masatna peen uh chu Aigupta a nuutsiat diing uh jaan ahi diing hi. Huleh hih chiahkaan a

mang teng un Pathian khut haat a Aigupta kumpi Pharoah apat hutdamna loupitah amuh uh heetzingna ahi a, huleh khangthah te a diing in hichu a pulepa te uh Pathian in thupitah a ahutdam dan a theihna uh ahung hi diing hi. A tung a Bible chaang i sim leh belaamnou kum khat apat anuailam, deembaang lou, soiselbei belaamte/keelte laha pat a teeldoh diing uh ahi chih i mu hi. Hih in a etsah Jesu Khrist ngei zong demna diing, hoihlouna himhim neilou, soiseel bei ahihdan a ensah pah ahi. A tom lam in genlei; belaam chu abib/nisan (march-april) ni 10 in a teeldoh diing va, ni 4 sung soiseel, demna aum ei chih etchian ahi diing a, ahohleh huchu ni 14 ni nitaahlam in a that diing uh ahi. Aguh tanlou kei in a that diing va, huleh tuitoh zong ahuan louh diing uh ahi. Huleh a sisan chu kotbiangte ah a taatveh diing uh ahi. Hih a sisan taat un Pathian gawtna, Aigupta gamsung zousiah tamasa gawtna apat hundam a aum theihna diing un a bawl ngeingei diing uh ahi. Mohna bei belaamnou sisan apat hutdamna amu uh ahi. Hikuh in Khrist mohna bei, dembaanglou, sualna neilou in nang leh kei luanga hung sihna leh thuaahna a ensah ahi.

### **Tatna ni (Day of atonement), Siampubu 16: 8-9, 15-16, 21-22**

Siampubu 16 pumpi i simchiang in Tatna ni a kithoihna i mu hi. Hichu kum khat a khatvei kithoihna a neih peen uh ahi. Hini chiang in kithoihna tuamtuum zong a um a, himahleh keelnih a kithoihna pen choh i en diing hi. Hini in keel nih teel ahi diinga huleh khat chu soal sillat diing ahi a, huleh khat pen chu hinghah diing (scapegoat) ahi hi. Keel nihte khoipen soal sillat diing ahilhoulleh hinghah diing chu Aaron/siampu in ai a saan diing ahi. Hih ai saanna in Pathian in khoipen soal sillat diing in a deih ei? Huleh mihing deihna ahilhoulleh mihing deihdaan a pai lou in, Pathian deihna bang in a pai zaw diing hi chih a ensah hi. Thupilte 16:53 ah hichiiin a chi hi, “*Ai chu pheitunga saan ahi a, hizongleh hutah a sil hung umdoh chu LALPA apat ahi.*” Hih keelnih kizat jiah ahihleh, keelkhat choh in Khrist tatna natoh a suhchiang johloh jiah ahi. Keel soal sillat diinga kizang pen in – a mite soal luang a thuaahna leh sihna a ensah a, huleh keel hinghah pen in a mite sualna a pomang hi chih a ensah ahi.

Hundamna tanchin ah (redemptive history), tomkhat sung gan sisan te, soal kithoihna diing in ana kizang mahleh, hichu zatden diing ahisih a Kross a Khrist tatna natoh diing etlawhna/kawhmuhtu diing a zat ahizaw hi. Thuhun Lui kithoihnate in سوالنا lamang theilou ahihdan Hebrai lehkhathot gialtu Hebraite 10 pumpi ah Chiang tah in a gen hi. Hebraite 10:4 in hichiin achi hi, “*Ajiahchu bawngtalte leh keelte sisan in sualnate lamangthei gual ahi sih hi*” achi hi.

Huchiin siampu chi/haah a piang baptistu Johan in Jesu chu misualte luang a kilaan diing ahihdan thei in, “*En un, Pathian belaamnou khovel سوالنا pomangpa chu*” achi hi. Huchiin tanchinhoih gialtute in zong Jesu mi tampite tatna diinga hinna pe diing in ahung ahi chiin a soi uhi (Mark 10:45). Sawlleh Paul in zong “Khrist i paikaan achi hi” (1 Kor. 5:7). Peter in zong Khrist tatna natoh chu Chiangtah in a soi hi; “*Na pulepate va pat tawndaana na muh uh na umdaan uh bangmah hilou apat silsethei, dangka leh sana a tat nahi sihva, Hizongleh belaamnou demna bei leh niin baanglou sisan banga Khrist sisan luula tat na hi jaw uhi. Amah chu khovel kisiam mapehin guatlawhin aum ngeeia, hijongleh hi hun nunungte ah nanguh diing in suhlat in aumta hi, (1 Peter 1:18-20).*”



# I ZUIH KROSS LAMPI CHU LUGUH MUN ZOTNA LAMPI AHI

~ L. Ginsuanmung NTBCA, Office Assistant

“Aman Kross kipuah in luguh mun Golgotha achihna mun tan a paipih uhi.” I Lalpa'n mikhial ei uh a d'a a sihna diing zuan a a pai laiin mulkim huai tah, zahlaah huaitah a gawtna thuaah diing a thutanna luguh mun zotna lampi ah apaipih uhi. I Lalpa'n a zuih lampi chu ei haw'n zong i zuih ngei ngei diing uh Lampi chu ahi.

1. A Kross kipuah in i Lalpa thuaahna i thuaahpih va a sihna luguh mun a i sih ve theihna diing in eimah Kross chiat i kipuaah diing uhi.
  - a). Kross paw loukeei a Lalpa nung zuih theih ahi. Kross pawlou a zuiten, Hagaulam puaahgih chihte bang ahekha se sih va, amah uh lemtaang tan chouh a zuiin, veina, thuaahna, mittui chihte bang zong ahe pha sih uhi.
  - b). Kross poloua Jesu nungzuiten dinmun sang leh thuneihna adeih va, phun chiaah na diing a hauh ban vah mite demna diing a he mahmah mei uhi.
  - c). Khovel lungsim pua in apil mahmah nalai va, lungkimna kichi neilou in a sang jaw leh Loupi jaw ut in kipaah meel zong a nei sih uhi.
  - d). Mit a muh theih tan ah lungsim akoih uh a, Minthanna leh paahtaatahna ah a lungkim hun giap uhi.
2. Khrist nung i zuihna ah eimah Kross kipuaah ngai ahi.

i Kross uh bang ahi diai :

- a. Innkuan khosahna jiah a hung dal theite.
- b). I pumpi a hung daltheite, damtheihna toh kisai. Mimal duhamna, angma sialna leh a dangdangte.
- c). Midangte a pat douna, demna, soisiatna, muhsitna, soisah na leh a dangdang.
- d). Gingtu unaute sung mahmah apat, douna leh dalna, tuam bawl a umna, nelhsiah a umna, thusim louh a umna leh adangdang.

3. Khrist nung i zuih na lampi chu luguh mun zotna ahi.

Ei uh سوالنا pua in I Lalpa'n hi Lughmun zotna lampi ana tawn hi. Vuaahna, saatna, linglukhuh leh sisan kai niuniauh in housiat leh chilphih khum nate thuaah in simmohna puan sandup toh a sihna diing Kalvari mual zuan in bah leh chau in a puuh hi. Ana e aw ka Lal thuaahna amul kimhuai, ka en-ngam sih kei ad'a na thuaahna meel.

- a). Ei haw'n zong i Kross po kawm in lughmun zotna lampi i zuih sawm diing uh ahi.
- b). I hinna leh pumpi ah hahsatnate, hung subuai thei, natna, vangsiatna, guallehnate i thuaah diing mawng ahi.
- c). I unaute apat demna, simmohna, tuam bawlana, khentuamna, thusimlouhnate i thuaah laiin kipaahna a i sim diing uh ahi. Muhtheih louh Hagaulam tuisuaahna in Lalpa'n bang hun a hakhat Chiang in a hung veh ngei diing hi.
- d). Hagaulam ah piching chih in um sihmah lei, demna leh soisahna Kross i puah Chiang in sunglam kipaahna in ahung dim sah jel diing hi.
- e). I Kross lampi a i puaah Kross sihpih ngap a, hin zong hinpih ngap diing in i pang diing uh hi. I Lalpa'n a zot lampi chu i zuih ve theihna diing uh ahi a, Lughmun tan a i lampi beimai diing hi lou ahiziahin.
- f). Kross khenlam ah lam-etna hing neite ihiva, Kross ipuah zahzah leh hu sang a thupi zaw in Lalpa'n kipaahman ahung chiam a, Hinna Lallukhuh, Loupina Lallukhuh, leh vaan loupina tang diingten damlai khovel ah hahsatna i thuaah ngei diing uh ahi. Huziahin hahsatna i thuahte bangmah lou ahi, kipaahna itang diing toh tehtheih gual zong hilou ahih banah i Kross lampi i zuizel diing uh i minamte, Lalpa Kouhtuamte Hagaulam Revival nei a Lalpa Jesu Khrist a misiangthoute puui diinga Angel tungnungpen aw toh, Kikou aw toh, Peengkul ging toh ahung pai kiit hun chianga, Amah toh kilamtuaah diinga kimansa a i um theihna diing in sihtan pha a thuaah a kuul leh thuaah ngam diing, chaan a kuul leh chaan ngam diing in Lalpa'n hung gualjawl chiat ta hen.



# THUHUN LUI LAIA HAGAU SIANGTHOU NATOHDAAN

~ (L) *Rev. H. Thangliankham*

Thuhun Lui laia Hagau Siangthou mite toh kisaia natoxdaan chu a taangpi in “a tungvah a hung tung” chih ahi deuh peen hi (upon) chih ahi. Vaihawmtute 6:34 ah “Lalpa Hagau chu Gideon tungah a hung tung a” chih i mu a; huleh “Lalpa Hagau chu Samson tungah a hung tung a” chih Vaihawmtute 14:6 leh 19 ah i mu hi. Hulouin Israelte Kumpipate Saul leh David tungah zong “atungvah” ahung tung chih ahi. Tulai bang a teenchiltu a aum nai louh ziahin a chiah mang thei jeel a, huziahtahin thumanlouhna jiaha kumpipa Saul tunga um Hagau chu a chiahmang a David tungah ahung tungta hi chih I Samuel 16:13-14 ah Chiangtah in a kimu hi. Huleh hitobanga Pathian Hagau in sual a bawl Chiang va paimangsanthei ahi chih aheet ziaha David in Uria athah a, a zi toh aang a kawm laia kisiha a haamteina ah “Keimah apatin na Hagau Siangthou lamang sin” chi ahi (Ps. 51:11). Tulai hun bang a Hagau Siangthou gingtute sunga teenchilh (indwelt) lou ahi chih kisoina mun dang i soi nalai diing hi. Israelte lamkaite tungah bang (Kisimbu 11:16, 17); Jawlneite tungah bang (Kisimbu 24:18); Vaihawmtute Othniel leh Gideon a dangdang tungah a tung chih imu hi (Vaihawmtute 3:10; 13:25). Hulou ah tulai bang a Hagauin a teenchilh a kichihlouh vaang in, huleh a tungvah a hung tung a kichih tuanlouh vangin Pathian laudaan siam Joseph bang Aigupta gamah limdangtahin pilna bang apia a, kumpipa Pharaoh mang a hilhchiansah thei hi (Gen. 41:38, 39). Huleh gamdaia biaahbueh bawlina diing in lemheetna leh khutsiamna mahtah Bezaleel leh Aholiabte bang Hagau in apia hi chih i mu hi (Pawtdohbu 31:1-2).

Awle, Thuhun Lui laiin Pathian Hagau chu “atungvah ahung tung” chih ahih tungtaang hitan ah i hunsahta diing uhi. I soinop peen uh tulai huna Lalpa Jesu Hundampa a pom photmahte sungah Hagau Siangthou a teeng a, a pumpi uh



Hagau Siangthou temple (inn) ahi chih thu limdangtah leh kipaah huaitah tungtaang ahi. Hagau Siangthou chu mit a muh theih leh khut a khoihkhaah theih ahihlouh ziahin a tungvah a um chi in, a sungvah a luut chita zongleh mihingte diing a chu a kilimdanna talua umlou chih theih mai a bang hi. Bible a soidaan daan chu i pom mei diing uh ahi mei hi. (*Teenchilhtu Hagau Siangthou Tungtaang lehkhabu apat kiteisawn ahi*).



## MISSIONARY BIOGRAPHY RICHARD WURMBRAND

~ *Lettu Doukhankhual Tangnuam*

Mission lungphu leh veina liantah nei leh World war II lai a “The iron curtain paul” chih tanpha a minloh a um Richard wurmbrand chu Judah innkuan lah hung khangkhia leh a unaute lah a naupang pen ahi. Istanbul ah hun tomcha khosa in, apa sih joh in Romania gam ah ahung pmlut uhi. Amah chu haam sagih naal tah in ahamtheia Politics leh sumkolvei nasep ah siamna sangtah anei hi. Nikhat chu german sing mistri (carpenter) Khristian wolfkes hundamna tangthu nasatah leh lungkhoihtah khat chu ahung ngai kha a hu tungtawn in azi Sabina Oster toh Lalpa Jesu chu Lal leh Hundamtu in ana pomta uhi.

Pathian muansan nupa lungtuah hinkhua mang in lalnaa ahung tong pan tava, huchih lai in amau adiing Pathian lalgam natoh nadiing kot khat hung kihongta hi, huchu world war II laitah ahi. Bomb leh thauging thomte lah ah pathian thu tangkou pih leh juda naupang tamtah te panpihna pia in na ahung tong ta va, hijongleh anatoh nate zaal un Kolhbulh leh mat in tamveitah atuah zel uhi, alehlahmah hahsatna atuah te uh tungtawn in pathian lam ah koi galpi thawmging leh ngamtat nate khapgual ding hilou in pathian lam ah kalsangtah in akal tou zawsan uh hi. 1945 in gam vaihawm tuten Pathian biahbuhte hung sumangin douna nasatah atuah tah un, Richard leh a zi in leinuai kikhopna leh mi muhlouhna a Pathian phat dingdan ahung pankhia kit

uhi.Huchibang hun hahsa lah a agammi pih juda te ading chough in natong lou in russia sepaih te lah ah jong Pathian thu teng lehkha peh neucha cha a kigial maktaduai (million) val bang ahomkhia uhi.Russia gam a pathian thu thotlut phallouh ahihlai in richard in alampi ding nasatah a ngaihtuah in Pathian thu lehkha peh neucha cha a ki gelh hokhu tamtah athot lut jiah in gamnih kikal a kikomtuahna joptu (the iron curtain paul) chih minvuah in um hi.

A hangsan na leh kumpi in kikhom lou ding a thupiah abawl te a nawlkhin jiah in 1948 in mat in a um a ,kum khat jou in azi jong mat in a um boh hi.Kum giat sung vingveng huhamna leh gentheihna kulhbang a khum ahihnung in 1956 in hahdoh in a um a hijong leh kum thum jou a matkit hiding in thupiah ahinalai hi.Pathian mapui najal in 1964 in ngaihdam in a um ta hi.Huchi in romania gam awlmawhna liantah aneihlai in pathian in mundang a ding in akouhtah jiah in Norway ,England leh United States te ah jin kual in ginna zaal a thua te apanpih a “Jesus to the communist world” chih thupi jang in na ahung tong panta hi .Hun sot lou nung in jesus to the communist world chu Martyr te aw (Voice of the martyr )chih in amin hung heng kit in.Tunitan in hih voice of the martyr tungtawn a pathian natohna in gam sawmgup(sixty) val ah krist min zaal a gimthuah leh soihsah a umte a hanthawn in a hamuan jing nalai hi.

Lawm iit..Khrist tanchinpha na phuangdalh in na kem hoih nalai ei?



# HAGAU KHAWLDAMNA (MATHAI 11:28-30)

~ S. Kamthansang Driver NTBCA.

Mihingte leitunga i khualzinna gamah i hinkhua ah hahsatna tampi i tuahva, hutobang in tuipi tunga khualjin long a paite in zong hahsatna a tuahzel uhi. Tuipi tung a zin longte zong a sunga tuangte a tupna gam uh puuin gam la tahtah zuan in apaipih zing hi. Huchia tuipi tunga pai zing lai un, a tup gam a tung masiah khollou in jiatlam aha veilam aha ah peetlou in a tupna atung zel hi. Ahiin heetkhawllouh in tuipi tungah apai laiin siatna banglam aha in zong a um kha zel hi. Khualzin mite i tungna diing uh puigaa kai a aum chiang in kipaahna, lungmuanna leh tawldamna a mu zel uhi.

Leitung mihingte Pathian in ahung siam lah a thupipen ihihna ah, hagau nei in ahung na guanggalh ana hi hi. Bangjiah a diai? Chih ngai nawnlou in i heetsa chiat din a gintaat huai hi. Pathian in mihingte amah limleh mel bang pua a amah paahtawi leh phat diing a ahung deih ahihlaiin a thumang lou in Eden sualna jiahin haamsiat tang in sihna, gamchiam luah zou nawnlou in tatna ngaiin i botse ta va, malai (Thuhun Lui) hun in gan sisan in siamtanna ana pomsah zel hi. A siampute bangin gan sisan a kithoihna ana pomsah chih

i mu hi, huchia ching zoulou bohsiatna jiaha i um ziah un, i hagau deihdan zui zoulou in khovel ah lungmuanna hawl in i vaahvai hi. Hilezong Pathian in ahung na kou zing ahi (Siamchi. 3:9; Isai. 1:18). I hinkhua ning kitelna leh puahgih sual jiaha sihna in ahung lungngai sah hi. Hizongleh a thu in ahung na kou zinga aw neem tah in, Jesu Khrist i sualna jiaha, sual a si diing leh kumtuang sihna i tan diing ahihlaiin Lalpa Jesu, Kross a ahung sihna jiahin ei sualna teng aman ahung lungsiatna jiahin ana pozouta hi. Hi thu he a pom a gingtate


diing in hutdamna i neithei uhi. I sualte hung ngaidama hung pomtu kawmah i kipiaah ni in ei a lungmuanna hutdamna i tang va, i sualdate, i giitlouhnate kros ah ahung na ngaidamta hi. Puahgih i neihte ahung laahmang sah a, tu in zong a thu tungtawn in ahung kou zing hi (Matt. 11:28-30). Lalpa hutdamna i tanga i pomni akipat in, tanchin dang hi nawnlou in amah hung tatna thu in ahung hamuanta hi. I deihtelna in a deihte a diing in hundamtu ahi a, khawldamna kumtuang nopna a khawl utte a diing in.

Tuni in unau kingaihtuah in, a hutdamna pom utte a diing in, Lalpa Jesu in tu in zong a hung na ngaah zing nalai hi. Ahung hundam diing in a khut suhtom in aum sih a, a hutdamna tang diing in hungzuan in hutdamna kot kihong zing ahi. Na hagau

lungngai a mangbang Jesu kawm hung tut in, huchiin nang zong khawldamna na mu diing hi. Hi tawldamna kumtuang hinna i tanzoh nung in, khovel nopsahdate, lungngaih leh mangbat um nawnlou diing in khovel lamah kiih nawnlou in hahsatna huihpi heemdate hung tung zong leh Jesu ah i bit in i lungmuang denta diing hi.

Hujiahin mihingte abullam a i gen bang in, khualzin i hi a, i tup gam i tung ma in buaina hahsatna, lungngaih mangbatna um zong leh i hundampa jaal in i hagau tawldamna mun kumtuang khawldamna ah i bitta diing uhi. Unau simtu deihtah, bang dinmun in tu hun in na um ka he sih, hizongleh Jesu hung tatna poma akawm hungzuan a, a thu ah lungmuanna bukim muthei diing in, a thu tungtawn in Pathian in hung vaangpiah chiatta hen. Amen.





## BIBLE STUDY

~ S. Pauchinlian

### Paul in Peter a Taina Galatiate 2:11-21

**Galatia** 2:11-21 sungah Paul in Peter a nialna muh in aum hi. Huleh himun hoihtah a sim detdet ahilhoughleh Paul in a thusoite khoiteng Peter kawma a soi pat leh a khawl hun? a heet hahsa hi.

*“v11, Hizongleh Antiok a Peter a hung tuntahin amah chu dem abaang jiahin a maaitang ah ka na nial hi.”*

Silbawlte lehkhabu (Thuhun Thah) ah Antiok kichi khua min nih aum a, khat chu Syria gam a Antiok ahi a (Silb. 11:26), huleh a khat pen ahihleh Galatia gambung a um Pisidia gama Antiok peen ahi (Silb. 14:19). Sawlleh Paul leh Peter himun a Antiok a kimuhna peen ahihleh a masapen; Syria gam a Antiok peen ahi a, huleh hikhua ah nungzuite chu Khristian chi a miin a kouh masatna peen uh zong ahi hi (Silb. 11:26). Huleh heet diing khat ahihleh hih Syria gama Antiok peen chu nungzuite leh Paul a diing a munpi (Headquarter) in zong a heettheih hi. Sawlleh Paul in Antiok a Peter a nialna jiah chu abaan a changte ah agen hi (v.12-13).

*“v12, Ajiahchu Jakob kawm apat mi koite aha ahung ma un, ama’n Jentelte kawmah an ane veu hi; hizongleh amahuh a hung tahun zehtante alauh jiahin anungtawl a, aumtuamta hi.”*

Judami Peter in Jentelte lahah anne zing ngaal in, himahleh Jakob kawm apat Judami (Jentelte hutdamna diinga zehtan diinga phuut pawl) a kawmah ahung tahun, amahuh a lauh jiahin Jentelte kawmah anne nawn talou in, a zehtan hihpih Judate kawmah ann ahung neta hi. Ei tawndaan in namdang toh nekhawm, dawnkhawmte bangmah in sim sih leizong, Judate

tawndaan ah gindaan tuam leh biahdaan tuam nei mite toh nekhawm a khaam (prohibit) hi. Jentelte kawmah Peter anneeh bang genna a diai? Jentelte kawma Peter anneeh in gen a nei mahmah hi. *Huchu bang ahiai i chihleh, Peter in Thuhun Lui daan (anneeh daan – dietary laws) zui nawnlou ahihdaan i mu hi.* Peter in neeh leh dawn thu ah Thuhun Lui daan a zuihlouhna jiahchu Joppa a Simeon inntunga kilaahna amuh zui ahi diing hi (Silb. 10:9-16). Huleh Kornelia inn a achiah a zong Jentelte anne ahi diing hi.

Judami khat in Jentelte kawma an va ne chu Juda sahkua hoihtah zuite adiing in sil jaahdah umtah leh huathuai mahmah khat ahi. Ajiahchu Thuhun Lui laiin Pathian in Israelte chu an sianglou nelou diing in hoihtahin a thuhilh ahi (Siampubu 11, Daanpiaha. 14). Judami in Jentelte an sianglou nelou diing ahihdaan uh Danial leh a lawmte tanchin apat in zong a heettheih hi (Dan. 1:8, 10, 12, 16). Huleh Maccabeante hunlai apat (167 BC) a Judami tuambiihna chiamtehna chu zehtan, sabbath mang diing huleh Thuhun Lui a anneeh daan kipia zuih ahi. Huziahin Judate lehkha lamah siangthouna daante kihilhna thupi taangpi ahiden hi.<sup>1</sup> Huchiin Jakob kawma pat Judami khenkhatte ahungtah un, Peter zong Judami Khristiante sungah kikhenna leh kiheetsiamlouhna aum diing deihlou in, Judate kawmah an aneta hi.

***“v13. Huleh Judami dangteng zong huchibangin amah toh alepchiah va, huchiin Barnaba nasan zong a lepchiahna vah puimangin a umta hi.”***

Hi chaang apat Peter mizia heettheih khat ahihleh, Peter chu mithujoh siam (influential person) ahi chih a heettheih hi. Bangjiahin ahiai i chihleh, Peter mahbang in Judami khenkhatte leh Barnaba Jentelte kawma tanchinpha taangkoupah diing a panlatu (Silbawl. 15:1-5) khat in Peter mahbang in Jentelte toh anneeh khawm a tawpsan uhi.

---

1 Schreiner, *Galatians: Zondervan Exegetical Commentary*, Galatians 2:12

“v14. Hizongleh tanchinpha thutah dungjuin a um sih uh chih ka muhin, a bawnva ma ah, Peter kawmah, “Nang Judami hinapi a, Judate um banga umloua, Jentelte um banga na um ngaal leh, bang diinga Jentelte khu Judamite um banga umsa tum haam na haiimah?”

Paul in Peter lepchiahna nastah in a mohpaih hi, ajiahchu ama'n hoihtah a Jentelte kawmah anne zing (hichu Thuhun Lui daan a ansianglou kichite zong ne) in, himahleh tuin a ne nawn tasih hi. Hichu gendaan tuam in genlei, Jentelte in Peter toh an a neekhawm theihna diingun Judate daan (Siampu. 11; Daanp. 14) a ne sianglou zousiah koikhe diing a phuutna ahi. Hitobang phuutna in neeh leh dawn chauh a subuai sih a, himahleh hutdamna zong a subuai a, huleh tanchinpha (Gospel) a susia hi. Bangchidaan in e? Siamtansahna (hutdamna) chu ginna hilouin natoh jiahin a hisahta hi (Gal. 2:16). Huchiin Paul in Peter mite ma ah atai/asalh hi. Bangziah a Paul in Matthai 18:15 a Jesu'n i unau soal taihilh/thuhilh didan agen bang zuiloua Peter mipi maiah a tai/hilh a diai? Paul in Jesu thuhilhna theilou zong ahimeitheh hi, himahleh Paul in “jaineemna lungsim neitahin (Gal.6:1 sim in)” a tung ding kiit sawm ahizaw chih i he hi. Huleh heet diing khat ahihleh Peter سوالنا chu a guuh (secret) hilouin mipi heet ahizah a mi maimah a tai/suhdih apoimoh hi.

**“vv. 15-16. Jentel misualte hilou a, keiuh pianken a Judami mawnga piangte in, daan thute bawl jiahin mi siamtangin a um sih a, hizongleh Jesu Khrist gintaat jiah chouhin siamtangin a um chih ka he va, kei un zong daan silbawl jiah hilouin, Khrist ginna jiaha siamtanga ka um theihna diingin Khrist Jesu chu ka gingta uhi; ajiahchu daan juuh jiahin koimah siamtangin a um sih diing hi.”**

Sawlleh Paul in hi changte (vv. 15-16) ah hutdamna (misual siamtangsahna) chu daan thute zuih jiaha hutdamna tangtheih a hisih a, himahleh hehpihna jiah chauh, ginna jal chauh leh Khrist kawm chauh a siamtangsahna aum hi a chih a genchiang hi (save by grace alone, faith alone, in Christ alone). ‘*Siamtangsah*’ bang genna hi diing a diai? Hichu Pathian in misual khat chu “*mi dihtat ahi chi a, a sim ahihloulleh mi dihtat ahi chi a aphuang*

ahi.”<sup>2</sup> Mihing te sualna neilou leh hoihtah a Pathian siangthouna ah pomtaah hi veh leuh chu ahoihna jiahun siamtangsah ahihloulleh dihtath in aphuang theih diing hi. Himahleh sawlleh Paul in mihing te ahoihna (a silhoih bawlte) jiahva siamtangsah theih himhim hilou ahihdaan Romte 1-2 sungah a genchiang mahmah hi. Jesu Khrist in ginna jiaha siamtangsah a um i hihdaan chih Paul kawma ahilh a, huleh Pathian in siamtangsahna a bawlzel hi (Romte. 4:5). Thuhun Lui hun laia Pathian mite ngeizong daan thute zuih jiaha hutdam ahihloulhdaan un Paul in Galatiate 3:6-18 ah ahung genpah diing hi.

Galatiate 16 a ‘daan silbawlte jiah hilou’ kichi zehtan, Khawlnei mang, huleh annee siangthou daante zuih a genna chauh a hisih a, himahleh Pathian in siam a hung tangsah theihna diing a mihing panlaahna a hoihsawm na zousiah genna zong ahi. Kei zong piangthahna dihtah ka tang ma in mihing hoihna jiaha vaangam kai kinem in hinkhua saulou kana zang kha ngei hi. Hihun laiin biahinn ka kai chiang bang, umdaan hoih a hinkhua ka zat chiang in vaangam kai mahmah diing bangin ka kikoih zel a, huleh zu kham, an kham bang leh silhoihlou ka bawl huntah chiang in vaangam kai diing in ka kikoih theisih hi. Hitobang hinkhua, mahni hoihzia a vaangam kai sawm chu a gentheih huai a, huleh a gimhuai mahmah mei hi. Ei mahni hoihna telloua, Pathian hehpihna liauliau, ginna jaal a, Khrist jiah chauh a hutdamna tantheih ahichu nasatah in i hampha uh ahi.

Sawlleh Paul in Ephesite 2:8-9 ah hutdamna (siamtansahna) i muhdaan a genchiang mahmah hi, “*Ajiahchu hehpihna jiaha ginna jaala hutdam na hi uh, hu zong nang uh a suaah ahi sih; Pathian silthawnpiaah ahi, natoh jiahin ahi sih, huchilou in chu mi’n a suang kha diing uhi.*” Natoh jiaha, daante juihzia a hutdamna muh hilehchu mihingte in i suang thei mahmah diing uhi. Khenkhatte in hitobang silte ka bawlzia a hutdam ka hi achi diing va, hute jiah in a kisahtheihpih diing va huleh midangte a simmoh diing uh hi. Natoh jiaha hutdam i hihloulh vaang un midangte Pathian thu awi, Pathian natong a koih theilou a, ei chauh a seem peen, a tonggim peen a kikoithe ki hi nalai ahi.

2 Schreiner, *ESV Study Bible (ESV Version)*, Galatians 2:16.



Natoh jiaha, daan thute juih jiaha hutdamna/siamtangsa a um hile chu tu saang in i kiuangsah seem diing uhi. Natoh jiaha siamtangsa theih ahilhoudan Bible mun tuamtumte ah zong amuhtheih hi (cf. 3:10–14; Acts 13:39; Heb. 10:1–14). Romte 4 pumpi ah zong sawlleh Paul in Abraham siamtansahna thu etsahna diing in a zang hi. Mosi daan zuih jiaha sual siamtansahna hithei hitaleh, Abraham Mosi daan kipiah ma kum 400 vel a ana um bangchiin siamtansah a hita diai? Daan um ma a ginna a mi jousiah pa Abraham siamtansah ahihna Bible in chiangtah in a gen hi, “Huleh Abraham in Lalpa a gingta a, huchu Pathian in Abraham a diing in dihtatna in a sehsah hi, (Siamchilbu 16:6; cf. Rom. 4:3).”

***“v17. Hizongleh Khrist a siamtan ka sawm lai ngeei va zong misualte ka na hih uh leh, Khrist chu sualna natongtu ahiaimah? Hilou hial!”***

Daan thute zuih jiah hiloua Khrist ginna jiah liuliaua siamtanga aum laiva, huleh *Jentelte toh anneekhawm jiaha misual ka hih uleh Khrist chu sualna natongtu ahi diing hi chiin Paul in khautah mei in a gen hi*. Galatia kouhtumte kawma Judami va chiahte thuhilh dih ahih inchu (*Hichu Judate juih diing Sabbath tan diing, zehtan leh an sianglou neeh louh diing*), Peter, Paul, Barnaba leh Judami gingtu dangte zong misual ahi diing uhi, ajiahchu Judate daan ah Jentelte toh anneekhawmte chu misual a sim ahijiahin ahi. Hubaanah Judate thuhilh dih ahih inchu Jesu dihluu ahi diinga huleh mite sual diinga thuhilhtu ahi diing hi. Ajiahchu Jesu’n anne in mi a subuaah/suniin (contaminate) sih chiin thu ahilh hi (Mark. 7:19; cf. Silbawl. 10:13-15 sim in).

***“v18. Ajiahchu keima’n ka sil suhsiatte bawlphe kiitta leng, kei leh kei daan botsetu a kisiam ka hi diing hi.”***

*Daan botsetu a kisiam ka hi diing hi*, misual a kikoihte chu mi daan polam a umte a hisih a, himahleh daan nuai a umte misual a sim ahizaw hi. Huchimah bangin Paul in daan zuihsawm kiit taleh chu mohpaih/sual ahi diing hi. Jesu Khrist ginna jiah chauh a hutdamna hun ah, Paul in Thuhun Lui daante ah kiihkiit ta henla’n hileh amah chu Pathian deihdan susia ahi

diing hi (violate God's will). Ajiahchu Thuhun Lui daante chu Jesu Khrist sihna leh thohkiitna hun apat suhbei (ceased) ahita hi.<sup>3</sup> Heetdiing dang khat chu Thuhun Lui a mite/misiangthoute (OT Saints) zong daan zuih jiah a hutdamna tang a hisih uhi.

***“v19. Ajiahchu Pathian lama ka hin theihna diingin, kei chu daan jiahin daan lamah ka sita hi.”***

Paul Pathian lama hinna a neih theihna diing in daan lamah a sita hi chih i mu hi. ***Daan lamah ka sita hi*** Paul in a chih bang genna hi diing a diai? Jesu Khrist in daan hun chu a sihna tungtawn a suhbei ahihtaah jiahin Paul in daan lamah ka sita hi a chih ahi. Khrist daan nuaia hing leh hoihtah a zui bukim in a sihna tungtawn in gingtute daan silbawltheihna apat a jaleensahta hi. Hichu Galatiate 4:4-5 sungah Paul in a genchiang mahmah hi, *“Hizongleh a hun biching a hung tun tahin, Pathian in a Tapa chu ahung sawl a, daan nuaiah numei apat a hung piang hi, daan nuaia umte tankhe diing in, huchia ta a pomna i tan theihna diing un.”* Jesu Khrist ginna jaala hutdamna i tang na ah, gingtute i hamphatna ahihleh daan nuai apat jaleenna chauh a hisih a, Pathian ta banga pom i hihna uh ahi. Johan 1:12 ah bangchiin a gen ei? *“Hizongleh Amah (Jesu) anapom photmahte chu a kawmvah Pathian tate hihtheihna apia hi, Amah (Jesu) min gingtate chu.”* Pathian in Jesu Khrist i ginna jaala hutdamna chauh hilou a ta banga ahung pomna jiaha Pathian kawmah kipaahthu i gengen diing ahi.

***“20. Khrist toh kilhbehin ka umta a, keimah hing hi nawn louin, hizongleh Khrist keimah ah a hing ahizaw hi; huleh tua tahsa a ka hin chu a hung lungsiat a ka luanga kipepa, Pathian Tapa a ginna a hing ka hi.”***

Hi chang in sawlleh Paul in Khrist a siamthah a umte dinmun hoihtah in a gen hi. Mi khat in Jesu Khrist hundamtu diinga pom chiangin amah chu a mihinglui sualnate jousiah toh hagau in i Lalpa toh Kros ah kilhbehkhom ahita a, mahni

---

3 Schreiner, *Galatians: Zondervan Exegetical Commentary*, Galatians 2:18.

ki uahsahna, ki thupisahna, kiletsahna, kiheetsahna, Khrist deihna hiloua mahni tahsa silte a uutna tuamtuam te chu Kros ah kilhden ahita hi. Romte 6: 2-6 i sim leh Paul in a genchiang diah hi, “. *eiuh sual lama sisate bangchi'n sual ah i hing theinalai diai? Eiuu Jesu Khrist a baptis a um photmahte chu a sihna baptis in i um uh ahi chih helou nahi viai mah? Hujiain pa loupina in misi lah a kipan Khrist a kaihtoh bang in ei haw zong hinna thah ah i hin theihna diing in a sihna ah baptisma in Amah toh vui in i um uhi. Ajiahchu a sihna kibatpih a Amah toh i na kijopta uleh, a thohkiitna kibatpih in zong i kizop diing uhi hikhuh hele u chin, sualna sapum suhmangthaia aum theihna diing in tu apat a sualna tong a i um nawnlouw na diing in i mihing lui uh Amah toh kilhbeh in aumta hi.*”

**“v. 21. Pathian hehpihna chu bangmalou ka suaahsah sih; ajiahchu daan jiaha siamtanna hung kuan ahihin chu, Khrist chu athawna si ahi diing hi,” ka chi hi.**”

Misual siamtansahna Mosi daan (Thuhun Lui) te juuh jiaha muhtheih/tantheih hilechu Pathian hehpihna natoh, Jesu Khrist misualte a diinga Kross a sihna apoimoh sih diinga, huleh a sihna zong sil phatuamlou leh a thawng giap ahi diing hi (Romte 3:21-31 sim in). mi sual siamtansahna ah Jesu Khrist chauh ah, ginna tungtawn chauh a um ahi chih Paul in a genna ah Paul in, Judate leh Jentelte hutdamna toh kisai ah kibang ahihdan uh a sulang hi.



# “PATHIAN NGAAH ZOU JOSEPH”

~ *Chinmuanlal, NTBC, GUWAHATI*

**Text: Siamchiilbu 39-42**

Khovel hahsatna nuai ah tu tan dong hung pui i Pathian loupina leh paahtawina jousiah ipe masa uhi. Tu tung in hinna thah tung tawn in Pathian ngaah jou Joseph hinkhua suhlat ka ut hi. Khovel a mihing a piang jousiah in Deihshahna, Lohchinna leh loupina i deih chiat uhi. Hiteng neitu khu Joseph Pathian tu hun a ei Pathian chih heet in ngaah johna toh i Khristian hinkhua paisah hamham na lai ni. Joseph siltuate apat in mahni kienthahni.

**Joseph hinkhua apat ijil diing poimohte:-**

- I. Deihshahna leh mangjiah in thangsiat in aum.
- II. Lohching jiahin heem in aum.
- III. Thuahjohna in Loupina atun hi.

**Deihshahna leh mangjiah in thangsiat in aum.(37)**

Joseph peen Jakob in a teehnung ta leh a iit mahmah Rachel toh atamasapeen ahihjah in iit tungtuang mahmah hi(v3). Jakob in a unaute jousiah saangin alungsiat jaw hi(v4). Hibang a deihshahna leh lungsiatna atanglaiin Joseph in mang loupina hoih deuh ahung nei nai hi. A mangte ahihleu lou ah buhphal I na kaanva, huleh kei buhphal ahung thou a, adingtang ta hi; ngaiun nanguh buhphalte chu akimveelah adingva, kei buhphal chibai abuuu uhi, (v7). Huleh mang dang khat ka man kiit a, Ni leh ha leh aahsi sawmlekhahat'e'n chibai ahung buuh uhi(v9). Joseph peen apa in adeihshahjah leh a mang jiahin anaute thangsiat leh huat in aum hi. Joseph in thangsiatna leh huatna atuah laiin daidi de a, a unaute mohshahna thu khoimah ah jong gen sese louin Pathian angaahzaw hi. Pathian ngaahjoh chu lohchinna bul kipatna ahi chih Joseph hinkhua apat in ijil thei uhi. Pathian

ngaah jou Joseph lohchingna jiahin heem in aum nalai chi i gen suh nalai diing uhi.

### **Lohching jiahin heem in aum.(37,39)**

Thangsiatna jiahin apianpihte'n Joseph thah sangin Medianmi sumkawleveite kawmah ajuaah ta uhi (v28). Huchiin Midian mite'n amah chu Aigupta gamah, Pharoah nuaia milian, vengmi pawl houtu Potiphar kawmah ajuaah kiit uhi (v36). Huleh Lalpa'n Joseph aumpih a, huchiin amah chu mi vaangneitah ahi a, amah jiahin Potiphar insung chu vangpiah in aum ta hi (39:3,5).

Aigupta mipan aneih jousiah Joseph khut ah akoih a, huchiin a anneeh chihlough ngaal a silneih himhim bangmah hetphaah anei sih hi. Joseph chu mi melhoih mahmah ahi a, huleh mideihсах huai jong ahi (v6). Joseph peen apu jiiin in adeih-et a, hujiyahin Joseph sual tum in apu jiiin apuansilhin ana mana, hijongleh Joseph chu ataidoh ta hi(v12). Joseph mohna neiloupa chu mohsahin aum a huchiin a pu in suangkulah akoihta hi (v20). Joseph hinkhua lungkham huai diing dan anu in a neulai a a sihsan a, a unauten hehpihna bei in a bawl va, thah sangin Medianmi khutah ajuah va, midianmi te'n Potiphar kawmah juahin nuamsatah aumlai in apu ji jiahin Suangkul ah ataang lohta hi. Joseph in lohchinna aneih khuh Setan in heemna ajangin Joseph adiing a chu panpihtu diing lah umlou, gumtu diinglah um lou, lungsiattu diing lah umlou, kingaisia a mahni a (suicide ) kibawl theih mei ahita hi. Hijongleh vangphat huai tahin Pathian a ngaah na lailai hi. Joseph in hun hahsatna thupitah atuah laiin Pathian ataisan ngeisih hi. I mihing hinkhua va etton diinga poimoh ahi, ajiahchu hahsatna ituah khachiatva hu hun a Joseph bang a Pathian ngaah joh ngai ahi. Joseph in alohchingna khu heemna atua lai in Pathian a bel tinten na lai hi. Atawpna ah Pathian ngaah jou Joseph in thuahjohna aneih jiahin loupina amu hi chih igen nalai diing uhi.

### **Thuahjohna in Loupina atun hi.**

Joseph thuahna loupin dan limdang ahi. A Pianna pan adeihсахna jiahin thangsiat in aum a, mangjiyahin huatin aum

sawsawn nalai hi. Hubanah mahni lungsim a kuan lou mahni sualna jong hi hetlou a suhmualphou chouh jong hilouin suangkul na tan a khum in aum nalai hi. Hiteng ei tung a hung tung hileh singbul, suangbul, kawm teng ah jong itaangkoupih diingin ka gingta a, mahni dih kisahna, mahni hoih kisahna in i kisiamtanna thu sah leh hangah gen in ium diing hi. Joseph in hibang teng atuah lailai in jong Joseph peen Lalpa'n aumpih theih diingin thuahjohna aneih nalai chouh hilouin Pathian ngaah johna jong a nei nalai hi.

### **Mahni in kidong ni**

Q1. Joseph khu deihsahna leh mangjiah in thangsiat in aum a hibang hunin dai dide in Pathian angaah joh bangin eijong thangsiatna leh huatna ituah hun in Pathian ngaah jou diingin ahung houpih hi? I dawng diai?

Q2. Joseph lohching jiahin heemin aum a, hijongleh a tunga siltung bangbang a thuah jou hi. Ei jong hibang a thuah jou diingin Lalpa'n ahung kou hi? I ngam diai?

Q3. Joseph thuahjohna in loupina atun hi hujiahin doutute nuaiah Pathian in akoihsah diing in Pathian a ngaah jou hi.

Tunin ei jong ngaah jou Khristian hi diingin ahung mamoh hi. Pathian hung mamoh bangin ijuan nuam diai?



# NGAIHDAMNA

~ Evan. Zambiaklian

Mihingte laha hehngelou, thangpai ngeilou hih khovel ah hawldi hilei kimu jou diing in a gintaat huai sih hi. I thiltuahkhate, ilungsim, ingaihtuahnate tehtheih hihen la'n, tehlei akibang hetsih diing hi. Mi khenkhat a lungdam i sahleh, heh petmah na hi, akamsung ah kiumleh hung haizaan ut diing khop a koima hetloughkaala, na sousang gawp thei pawl kium in, khenkhat lah mel et ajong mai ngap huai khollou hehmel puah gemgum i sahleh ahehthei khollou pawl kium in, khenkhat lah thilkhat muhdaan leh ngaihdaan ki batlough jiah meimei a kimaw nia nial pawl kium jel hi. Hinkhua a gimhuai mamah khat miteng in ineih ei mi tunga naahpitaha heh hawjong haw mah ahivvang a ihehsan peen in bang ma helou kimuhkha Chiang ahung houpih vettah en houpih di la hilou houpilouhdi la hilou la houpih ut mahmah lou ahung houpih lehjong athanga thangpaih huai hichihbang i

hinkhua ah um khathei ahi. Hujiahin ngaihdamna chih saulou kikum lei ut huai i sa hi.

## JESUS NANG AHUNG NGAIH DAM BANG IN NANG JONG MI DANG TE NGAI DAM IN

Luka.23:34 ah Lalpa Jesu Khrist Kross a kilhbeh diing a matsah a aum lain, mipite'n chilphih in elhouna chinteng in ahouva, hundam thei ka hi na kichi hilou mo, nang leh nang ki hundam ve, Judate kumpipa akichi chihvel in houtheih tawp in hou mahjongleh Jesu'n kam khat jong hehna na kamsuah louin Pa amau ngaidam in achi hi. Hi kammal thupi in loupi hi na maijen unau te. Luka 6:37 in ngaidam un huchin ngaihdam in na um diing uh achi hi. Miteng in ihinkhua a ituah ngeingei diing miin ngaihdam ahung ngetleh ngaihdam ding Lalpa'n ahung jilsah lain mi i ngaidam ut sih a, ahivvangin ei miin ahung ngaihdam diing i utjeel uhi. Lalpa'n nang leh kei ngaihdamna hau diing in

ahung deih chih imanghilh  
louh diing ahi.

**NANG NGAIHDAM NA  
UTLEH, NANG JONG  
MIDANGTE NGAIDAM IN**

Lalpa Jesu Khrist leiah ahung  
lenlain a nungjuite vaangam  
ah alianpeen diing koi  
chihpouh in abuaiva, huhun  
laitah in Jesu'n Matthai 18:23-  
35 tehkhinthu ahung genta hi.  
Huchu suahkhat in apu talent  
10000 abaah a apejou tasih a,  
huphet in apu komah jahngai  
diinga anget nguutnguut  
jiahin hu suaahpa apuin  
angaidamta hi. Hu ngaihdam  
aum suaahpan a suah hihpih  
khat in amah sum 100 abat  
ava phuulta a, akomah na sum  
bat hung piah in chiin a lawl  
ameehsah a, asuah hihpihpa'n  
katung ah jahngaiin ka hung  
ditna diing chiin ngaihdam  
a ngeen nguutnguut a.  
Ahihvangin amah ngaihdama  
aum lam hephalouin a  
ngaidam nuam sih a, suangkul  
ah akhumta hi. A pu in hithu  
ajaahphet in athangtomta  
a, ngaihdam aum napi a  
asuaah hihpih ngaidam nuam  
loupa chu abat adit johma  
siah migawtte komah apeta  
hi. Awle, ulehnaute Lalpa'n  
khat leh khat kingaidamtuah

diing in ahung deih ahi chih  
imanghilh louh a, midangte  
ingaihdam diing ahi. Ephesite  
4:32 na ah Lalpa'n nang uh  
ka hung ngaihdam bangin  
nanguh zong kingaidam un  
achi hi.

**NGAIH DAM NA IN KHOL  
HUN ANEIH LOUH DING  
AHI**

Mihingte'n mi ingaihdam leh  
khol hun i um sah a, tamvei  
talota, hi jah veivei hung  
ngaidam inga, ahihlouhleh  
3vei vaal chu ka hung  
ngaidam nawn sih diing  
hi. Ulehnau, pi-leh-pu, nu-  
leh-pate aw, hih ngaihtuah  
vangvang ni. Lalpa'n na سوالنا,  
natatleehna, na thulimlouhna,  
na aangkawmna, na  
thutahlouhna, bangjat vei  
ahung ngaidam ei? Chih ki  
dong lei aut huai mamah hi.  
I Bible ah Jesu'n bangjahvei  
ngaihdam di achi ei i en diing  
hi. Nungjuite lah a Peter  
mi lungtom, alungtang diah  
joulou mikhat ahi. Hujiahin  
Jesu kawm ah Lalpa ka unau  
tatleehna bangjah vei ka  
ngaidam diai chiin adong top  
hi. Matthai 18:21-22 Peter  
deih daan chu 7vei bang ahi  
a, ahihvang in Jesu'n 7vei  
mun sawm 70 achi hi. Hujiaha



lungsiatna in i laah a tawp ni  
aneilou diing ahi.

Unaute mi koi a mo khat  
ingaihdam ut louh chiang a  
ingaihdam ut louhte sanga ei  
angaidam utloupen athuahtu

ki hijo gige ahi. Hujiahin  
ngaihdamna chu damna chi  
khat ahi chi tei lei aut huai  
mamah hi, Lalpan ngaihdamna  
hau diing in simtute hung  
vangpiahta hen. Amen.



## TEUHLLOU MAI

~ Lian Hangluah

“Where is Lienzamuon?” Teacher pa’n student absent khat a dot leh, student Suasuan in, “Sir, it is not here” chi’n a dawng hi. Teacher pa zong hehseng in chiingpum a Suasuan lu khen in, “It should be ‘he’, don’t use ‘it’ anymore” chi hi. High School kailai a kizep chu kituah mun thou ahi. Lehkha by-heart louh jiaha kizep, talking in mother tongue jiaha kizep, umkhel jiaha kizep bang ahi taangpi hi. Kizeep daan zong chi tuamtuum ahi: teacher khenkhatte in khut a hung zeep va, khenkhat in taw a hung zeep uhi. Ka lawipa Biabiak houh lehkha a by-heart louh chiangin toka (pant) thum bang teengin teacher te’n a zeep chiangva ging puah rokrok mai daan ahi. Lehkha theilou ahichianganga kizeep lam athuahtop diing

daan ngaihtuah mai daan ahi. Kizeep thu I genlai in kizeep lah a nuamlou pen chu chiingpum lianpi a lusiip hung kikhen chu a nuam sih ve, neulai cartoon a i muhdaan a, i lutung a ahsi kipei jahjah bang mai hi. Teacher khenkhat in chiing zanglou in a khut un ngeiphe bang , ahilouhleh i deeh bang a hung beng uhi. Tulai in huchibang in teacherte’n hung khoih uleh ‘Right to Education’ Act leh ‘Right to Information’ Act dungzui a amaute zong heeh (complaint) theih diing in gingta ing. Hitobanga kizeep leh kibet haw khu huaah (brain) lam toh kisai Neurologist te’n hoihsalou uhi. I huaah peen dan li (4 lobes) in kikhen thei hi. Khatna, frontal lobe kichi hi, hipeen in i huaah

mailam genna ahi. Hipeen khu i thilhettheihna (memory), nguntaha thilngaihtuahna (reasoning) mun ahi a, chiang (stick) vela i lusiip i kikhet chiangin i lungsim ngaihtuahna maw (numb) thei hi. Nihna a temporal lobe akichi a hipeen i khozaahna (hearing), hamkhiatna (speaking) gui umna mun ahi. Athumna ah, Parietal lobe khu in asa-avot, ana-anuam, huleh nehnoutaha (emotional) thil i tuahte khu ana sang thei hi. Alina ahihleh occipital lobe ahi. Ocipital lobe in a tuui-a aal (taste) bang ahilhoughleh i muhna (sight) toh kizom hi. Hujiahin, i deeh a hung kibet chiangin i mit lam nuamlou tahn a um thei hi.

High School kailai sutu chiangin tuitha a kizap diingin kikuan zel hi. Hulou chiangin sum neihleh THIRD SHOW ngaah in Video Hall vaki lut jeel hi. First show toh second show chu Bruce Lee toh Jet Li film hinchin third show chu “achete” chimai lei i theisiam mai diing uh. Live in zong group fight ki en mun thou ei. Friday School Sports neihzoh chiangin munkhat a kimukhawm diing chia kihoutuah in group nih bang

akisual jeel uhi. Hu kisualte laha kisual siam kasahpa chu Mr.S ahi; amah mineu sim, ahivhangan a mi punch daan, kick daan chu nalh kasa mahmah ve. 2002-2005 lah ahi a Gang tuamtuan zong akithang hi. Gang min ka theih tamloute Vetovex, Felofex leh Brave Diggers te ahi uh. Mr.S chu hi gang te laha khat a member ahi. School a lawi zong ahau thei a, mi'n zong 'kisualsiampa' chiin a thei uhi. Ngaihsang chu huai ana hi ve!

Kisuallam lunglutlou lawikhat chu damdawitang khamtheih in ahung kichiil pan uhi. Ka lawi Pathe kichi pa in School a damdawitang dum (blue capsule) ahung paw zela, a nehchiang in nungah houpih zong a siam mahmah hi. Class lahchiang bangin last line a tou in lusu sim in hinkhua nuam deuh in a zang jeel hi. Ka class pih dangte in amah umdaan a etchiang un a KICK (kham) noptuah sa in , “kei a diing zong hung puah in” chi'n a ngen uhi. Huchiin Pathe in damdawitang dum lawite a diing ahung puah jeel hi. Pathe hi mi lianlou, mi ngousim ahi a, nungah a heelte, bang amah gingta in ana 'YES' pahpah uhi. Pate banga nungah

melhoihpi ngaihzawng diinga neih chu ut huai himai. Amah enna alian khopmai. Pasal chiatchiat diingin zong aman ngaihzawng melhoih nei diah na e, chih ngaihtuahna a um zeel hi. Damdawitang dum chauh hiloua damdawitang san (Red capsule) khat zong Pathe in lawite ahung laha (show), hipeen vun ngouna, melhoihna chi'n a nezel uhi. A kick zong nuam hubaan a mel zong melhoih nalai diing try sin un chi'n lawite a hawm hi. Pathe meel ngouna thuguuh zong hi damdawitang san khu jiah hi diingin ka gingta hi. Lawite hitobang damdawitang ne a nuamtah a hunzang kamuh chiangin ka eng thei a, zawinna (poverty) jiaha lawite banga nuamtah a utut a hinkhua zang theilou a ka um hih vangsiatna liantah in ka ngai hi.

Ahi'n, ka high school graduate zou kum 16 nung, tuni'n ka ngaihtuah chiangin nidanga kana ngaihsang mahmahte leh kana etton te tuni chiangin a hinkhua uh ana lamzang hetsih uhi. Kisualsiam a kangaihsang Mr. S peen mi avuah jiahin sum zong hunkhop a liau a, amah zong hinkhua kisuuhlou in lawilepai phalou in hinkhua

a zang hi. Mr.S chauh hilou a nidanga Gang tuamtuum umte laha alubawh deuhte khamtheih-guihtheih a si hunkhop aum uhi. Amaute laha kana tel kha louh kisiihna nengcha zong ka nei sih hi. Hubaan ah, Pathe ngei zong nidanga damdawitang dum le a san a nehte ahihleh Spasmo Proxyvon (SP) toh Relipen (RP) ahi. Nidanga a damdawitang ne a hinkhua zang a um peen deihtelna hoih sa hi, himahleh lampi dih hileh kilawm ahihvangin sihna diing lampi zui ana hizaw giap hi (Thupilte 14:12). Ana thuahnopna (pain-Killer) ahi a, amah a nalou pi anehzom zing jiahin a tahsa in lel in atuamdeuha kietkolna, Rehabilitation centre ahung umsanta hi. Khovel khangthu ah zi hau a hinkhua zang, neih-leh-gou tampi nei a hinkhua zang, a lunglutna leh mittaina bangmah in a khaam zohlouh mipa khat a um hi. Amin Solomon ahi a, hitobang hauhsatnate a ka lungkim achi eile??? TEUH LOU MAI.. Hitobang nopsahna te jiah in hin ka hua hi (Thusoitu 2: 17). English haam in gen sese ni, "I

HATE MY LIFE” achi hi. Hite sanga poimoh zaw chu Lalpa Pathian lauha, a thupiahte juih khovel a poimoh peen achi zaw sop hi. Ajiahchu Pathian in mihing asiam a mohpuahna lianpeen a piaah chu amah deihbang a um a, a thupiahte juih ahi. (Thusoitu 12:13)

thanghuaina a lawite banga hun nana zatlouh na kisiih ei? chi’n dotna hung bawl leuhchin. Ka dawnna diing chu TEUH LOU MAI.

(Siamzil Khangthahte zu-le-sa, khamtheih a hung kibualloua, Pathian lau kawma hinkhua zang diinga hasotna thugelh ahi).

Kum 16 paisa a zu-le-sa, khamtheih hileh numei-pasal



## NUMEIPAWLPI HUTDAMNA CAMP REPORT

Amasa in hi hutdam na camp report pethei diinga damna hung pia Lalpa min ka phat masa hi.

NTBCA Numei Pawlpiten vaihawmna ah hutdamna camp neih hi hen chia thupuuhna ana kilaah bohjuina in 2020 ah NTBC Maukot a camp neih diing chih himahleh Covid-19 jiahin ana ki nei theisih a, Lalpa’n hunlemchang ahung piah hunhun a neih diing in ana ki suan hi. Awle hi buaina veng vungte jiaha i camp mangthei nawn lou diing imoleh chia lung buaitah a ium laia mangthei diinga damna hung pia Lalpa min iphat masa hi. Huleh i lungkhamnate Lalpa’n hun lemtaang jodiing ahung guatsah ahihjahin Lalpa min i phat sawnsawn ahi. Lalpa hoihna vangin hutdamna camp chu NTBC Maukot ah Dt.16-20-21 sung neih ahi a, hi camp honna Rev. P. Suanthang, Pastor NTBC Singngat in ahung neih sah hi. Hujohin Nu. Chingzahat Chairperson W/C Numei Pawlpi, NTBCA apat vaidon thusoina leh report na ngaih khat ahi a, hujohin Speaker Evan. N. Thangkhsiam apat tanchinpha ngaih khatna aki nei a nuam akisa mamah hi. Thugenpa tawp in camp Director apat in ni chin ki mang didan leh thupoimoh tuamtuam ngaih khatna jong aki nei a, hujohin phatna laa nuam tah a sahzawh in camp honna programme Local Pastor Zambiaklian Hangnung in akhaahta hi. Program joh ahihtoh kiton in Camper khotuamtuam apat hungpai

khomte hi in, khotual apat hileh daah 8:30 velin camp ah giahlut ahi a, Lalpa umpihna vangin nuam kasa mahmah uhi.

### **Camp Sunga Kizatdan Taangpite**

Thupi : Na pian thah ngeingei diing ahi. Johan.3:7a  
Speaker : Evan. N. Thangkhansiam  
Camp Director : Zambiaklian Pastor, NTBC, Maukot  
Camper : 53-67 a polam ahung kikhomte tohgawm in

### **Camp Sung a Speaker Thugen te**

1. Siamtu Pathian, Bible, Mihing leh Hagau
2. Khangthu toh kituaha Bible dihna
3. Israelte khangthu
4. Khelhna thusuutna
5. Khelhna leh mihing lungtang
6. Hutdamna
7. Hutdamna
8. Hutdamna mangthei lou soina
9. Ngaihdamna
10. Hagau Siangthou pui hinkhua
11. Hinkhua ahunbite/gingtute hahsatna
12. Buuhna Lalpa
13. Solomon apat jildiing

Hiteng nuam tah a ngaihkhiat ahijoh in program khaahna jingkaal daah 6:00 AM a neih ahi a hi hun in Nu. Thangngaihkim Secretary W/C Numei Pawlpi NTBCA in kipaah thu agen joh in Pastor T. Sangthang NTBC, Suangdai in camp chu a khaahta hi.

### **Pawlpi leh Mimal Tunga Kipaah Thugenna**

1. Numei Pawlpite'n camp neidiinga pan ahung laahna tungvah kipaah thu igen hi.
2. Khanglai Pawlpite'n camp apoimoh diing Generator, Talpulin leh adangdang ahung khelhsahna tungvah kipaahthu igen hi.
3. Maukot ZYA ten Parachute ahung jang sahva kipaah thu igen ahi
4. Pawlpiten Gari Bolero, leh winger ahung jat sah jiahun Pawlpi tungah kipaah thu igen hi
5. Maukot kouhtuamten Biahinn ahung jatsah banvah sound leh mohpuahna ahung lasah jiahun kipaah thu igen hi.
6. Thumanpha tah hung gensah i Speaker pa Evan. N. Thangkhansiam tungah a vel avel in kipaah thu igen hi.

7. Rev.Th. Ginmang Retd tungah kipaahthu igen ahi, amahjiah in camp apisuah diah hi.
8. Bial pastorte'n ahung uap veh jiahun ahamuan huai a kipaah thu igen ahi.
9. Ann hung huan sahte tungah kipaah thu igen ahi, amaute jiaha gilvah tah a Pathian thu ki ngaithei ahihjiain.
10. L.Ginsuanmung Office Assit, Driver. Tv. Sasang te tungah kipaahthu igen hi, amaute'n silpoimoh bangkim Lamka lam apat asuun ajaan chih um loua ahung ngaihtuah sah jiahun.

Awle, Lalpa'n hi camp a diinga sum leh pai, thaleh jung seng poisaloua pan hungla, ahung tel tengteng tung ah Pathian in vaan malsawmna hung leibuah hen la'n, gahtampi suang diingin hung malsawm chiatta hen la'n, hi camp tungtawn in i Lalpa chouhin loupina tangta hen aw.

Lalpa gama natohpih uh

Camp Director: Evan. Zambiaklian Hangnung

Pastor NTBC Maukot



## **NEW TESTAMENT BAPTIST CHURCH LUNGTHUL (L) TANCHIN TOMKIN**

**(A Brief History of Lungthul(L) Baptist Church)**

*By: Rev. T. Chinkhangen Shillong.*

*“Lungthul (L) baptist church chu mihing mitmuh in neotakhat in kilang ziang jongleh, Pathian Lalgam natohna diingin HIANG GAHNUAM tah bang ahi.”*

### **THUMAPUI**

Amasapen in Lalpa'n kum sawm nga 50 (golden jubilee) tan muthei diinga, ahung koih man in Lalpa min i phat masa hi. Huleh Golden Jubilee Celebration Committee in KOUHTUAM TAANGTHU gial diinga, kei a chinglou peen tung ah deihshana ahung latjiah un Lalpa leh amaute tung ah LUNGDM THU ka kou masa hi.

Unau TAANGTHU soi daan zong kibanglou thei ahihna ah, kum 50 paita sung ah thu leh la, a sia apha, huleh natoh silbawl tam tah um ngei

diing ahi a, huleh sil record ki chuuptah (source) muhdiing umlou ahihna ah, ka muhdaan leh ka maikha daan te tamlou Pathian loupina diingin leh khangthah te heet diing deihna in ka hung taahlang ahijaw hi.

### **AHUNG KIPAT DAAN TOMKIM IN**

Lalpa'n a kisahtheihpih a it mahmah, a sisan a alei muhtheih TUALSUNG KOUHTUAM chu GIMNA leh HAHSATNA tampi toh kum 1970 in LUNGTHUL (L) vaangkhoa ah EBC (formerly Ecc) apat in NEW TESTAMENT BAPTIST CHURCH, chu phuhdoh ahi. Church organised in Rev. (L) H. Thanglianckham apang hi. Hi hun laia kouhtuam phutdoh a lamkai te ahihleh: Upa (L) T. Kaikhojam, (L) Pu L. Nengzapao, Jacob kaijalum tu le tu a Israel a um, Pu. S. Ngilthang, Pu. H. Khualgen, Pu S. Kamlam leh midang tamlou te ahi uhi. Huleh sawtlou in Government Skul hung um in teacher in Pu S. Thangchinlam, Pu H. Kamlian, Pu Th. Jamkholun te hung pang in kouhtuam leh khosunga diingin vaah tuntu (torch bearer) ahung hita uhi.

### **KOUHTUAM AH HALHNA**

Evangelist Rev. H. Khaijatawng leh Rev. B. Nengzachin te'n chialpina, hagam lam crusade hung bawlpah in kouhtuam sung ah hagam lam ah halhna leh kipaahna hung tun in, nu leh pa tamtah ten kholui luia Tanky ah, ni khat thu in mi tampi te'n tuiphuum in baptisma a tang uhi, HALLELUIAH. Lehlam ah huhun laiin mitam tah te'n tuiphum a baptisma tan hesiam lou khosung ah aum nalai hi. A kipaahhuai khat ahihleh, hu halhna vaingin leh Baptist thugin (Biblical) gum in nu leh pa bangzah aha khat in khin tunga nahjial teep diing kikoih te haaltum ziang uhi. Hubaanah Evan. Thongkhenthang of Moreh in hagam lam revival hung sunjom tou jeel hi.

### **BIAHIN HONNA**

Kin leh buangin JB School hanga rest camp nung ah biahin bawl ahi a, Biahin lopna diingin sa hawl ahi a, Pu S. Ngilthang in vompi liantah hung kaap in Pu S. Hendong, leh Pu Kh. Daikam te a maikha dehtah hi. Amau geel singkung ah a kalman uhi. Hu Vompi chu ki man in biahinn honna a neih ahi. Hu hunlaia Chowkidar masate chu Pu. (L) S. Paokhanlam, Pu S. Jaamgen, leh Pu S. Hendong te ahi uhi.

## **BIAHIN NIHNA**

I kholuui uh (L) Dimniang mual hang ah biahinn kibawl in biahinn sing diingin Pu. M Khamthang sing kiphuuh sah in Pu S. Ginkhokam malta lei neukhat jeepkha hi. Huleh Meitei sing atte giahna ah, Kaamkei (tiger) lian tah khat in va vaah kiim vel kha hi. Sing at puahna ah (L) Jaamgen leh (L) Chingneem chu thatam ngahpeen te ahi uhi. Biahinn chu ahoihthei peen a bawl ahi a, atungjum leh barcony nei a bawl ahi banah, thohlawm buh inn zong bawltel ngaal ahi a, Guite Road a diingin hutobang nei masa pawl tah hi diingin ka gingta hi.

## **Lapawl Jilna Leh Khawmpi te**

Solfa siam/thei kitam lou ahihna ah Pu. Ngildou leh Pu (L) Daalzakap te hilhtu diingin kichial jeel hi. Kum 1981 NTBCA ANNUAL/ASSOCIATION khawmpi Thanlon ah nu Joukhoching lamkaih in va kitel in Consolation prize va kilaah hi. Huleh heet theih khat chu 1997 in jong Pu DK Pau (Zamuan pa) leh Pu Thiankhogin te lamkaih in NTBCA ASSOCIATION khawmpi Leijangphai ah lapawl kidemna ah va kitel in 1<sup>st</sup> prize in guitar khat va kila in, NTBC lungthul(L) a diingin record break ahi. Huhun laiin khawmpi manga kuan mi 30 vaal kipa zel hi. Huleh heet theih kiit chu 1994 in NTBCA ANNUAL CONFERENCE ki zintun in Heutupa Rev. HC Stephen lamkaih in NTBCA reform bawl ahi a, hulaiin NTBCA in worker 4/5 nei in tuchiingin 40/50 bang pha thei diingin ka gingta hi.

## **Silver Jubilee**

Kum 1995 in Pastor Sh. Khupminthang hun in SILVER JUBILEE bawl ahi a, Kouhtuam organised hung bawltu ngeei Rev. H. Thangliankham in Dt 16/12/95 in mualsuang chu ahongna a nei hi. Hi hunlaiin kouhtuam chu inn 34 veel ahi a, hihun chu NTBCA Vaanglai leh lutlai ni a suahtaah hi. O NTBC LUNGTHUL (L) Vulpah diingin ka hung phalsih uhi.

## **Baptist Model School**

Kouhtuam in a khom khom in siam jilna ngaiipoimoh in kum1994 apat in Baptist Model School ki din hi. Hihun in Rev. T. Chinkhangen tu leh tu a Shillong Pastor leh Nu Luannghaihniang tu le tu a Singngat a um te chu teacher in a zang ngaal uhi. Amaute chu BMS pioner teacher a suahta mai uhi. Huleh gambuai jawh i.e. 2002 in school chu sutjop kiit ahi. Heet theih khat chu teacher te haloh deihbang in akiye jou sih



a, BOT ten hahsatna khat a tuahte uh ahi. Ahi'n lah skul chu kouhtuam daai kaihna khat a laah ahiboh kiit hi.

### **Biahinn Huihpi in Muut Puuh**

2002 May ha in jingkaal baihtah in huihpi hung nung in school chu hung muut puuh sah hi. Hausapi Pi. Dimzanou toh kap lou diing ka kichih vaangun ka buaituah uhi. Huhun kiim mah 2003/2004 sungin a diahin N/P. S/S teachers Nu Maannou, Tangvaal Haopu, Nu. Hauchiin, Pa. Pauzakap ten ahung beisan va, kouhtuam a diingin a thawmhau um mahmah hi. Huleh 2003 October ha in Deacon Board Chairman ahijing lain Pu T. Zamzakham in hunlou tah in sihna vaingin hung paisan kiit jeel in. Kouhtuam te'n a suunna in biahinn ah hun saulou jatpiah ahi. Heettheih khat kiit chu hi hun nuam leh hahsat hun ah Pu. S. Lalmuan chu biahinn bawl na leh deacon board chairman a khuam poimoh khat a pang sawt pawl ahi.

### **Khanglai Day leh Baptist Olympic**

Khanglai Day chu 1991 veel a jat pat ahita hi. Hihun te ah aneu leh alian in nuam a kisa thei mahmah hi. Mangkhup pa bang a title diing in: KLP Chairman ahi top a, bro. Khupboi (Suangdai) mah abang ziang hi. Huleh kum 1993 apat in Baptist Olympic kum thah toh jatkhom ahi a, hihun te ah nungah tangvaal, nupi papi, te'n ball Lung Field ah kipeeh jeel in khua akiphaw sih hi. Huchiin Baptist Olympic Silver Jubilee chu Dt7/1/2018 in Rev. T. Chinkhangen in mualsuang honna anei hi.

### **Biahinn Thah (Building)**

Kum 2019 in ahi diinga lawmlou khop in biahinn building thah chu Pu. Paukhanmang Chairmanship na nuaiah bawl ahi a, Date 29/10/2019 in Rev. K. Hangnung in biahinn chu ahong khe ta hi. LALPA HOIH HI, HICHU LALPA BAWL AHI A, I MIT MUH IN SIL MAH AHI.

### **NTBC Lungthul (L) a Pastor ana Pangkha te**

1. Pastor (L) S. Jaamgen 1986--89
2. Pastor. H. Khualgen 1990--93
3. Pastor. (L) Chalbuang 1994.
4. Pastor. Sh. khupminthang 1995--96
5. Pastor. (L) H. Kamkhomang. 1996--2001
6. Pastor. T. Chinkhangen 2002 -2008

7. Pastor. P. Suanthang 2007—2010 (Include intern)
8. Pastor. Th. Paokhochinjam 2011--2012
- 9 Pastor. Lalpi 2012-2019
10. Pastor. Sangthang 2019


**Lungthul (L) NTBC mi Pastor te Leh Sepna (as on 6/4/21)**

1. Rev. S. Kaikhanmang v. Munhoih CBC
2. Rev. T. Chinkhagen Shillong NTBC.
3. Rev. P. Suanthang Singngat NTBC.
4. Pastor. Lalpi Thanlon NTBC.
5. Pastor T. Lamthang Leijaangphai NTBC
6. Pastor T. Zaambiaklian Maukot NTBC.

**THUSITNA:** Lalpa hoihna kum 50 sung ah kouhtuam Long (ship) kitawl sungin siltung tampi a um diinga, hute gielh khalouh a um ngei diing a, gelh khalouh leh taahlat dia kilawm, taahlat khalouh te bukimlou ihihna ah, Lalpa min a na hung ngaihdam uh ka hung ngeen hi. Lalpa'n i sepgim nate uh aneitu Pa in alehtam pi in hung VANGPIAH ta hen.

Ka kipaah.

“Lalpan NTBC LUNGTHUL (L) umpih zing ta hen.”



## **HBCH KITCHEN LEH STORE ROOM HONNA LEH LATNA NEIH IN UM**



New Testament Baptist Churches Association (NTBCA) Ministry nuai aum Hope Baptist Childrens' Home Kitchen leh Store Room apaisa January 09, 2021 jingkaal lam daah 2 veel

a, mei kipatna heetloun apat kaangtum chu NTBCA member mun tuamtuam aumte leh mi phatuamngaiten a thohkhawmte va pat bawltah aum chu Date 10/4/2021 zingkal daah 7:30 am in a honna leh latna Rev. Thangkhanlal Hangluah, Executive Secretary NTBCA in nei hi. Hi hun ah Rev. B. Suahtianlal, Member HBCH in makaih in, Pu S. Ngulchinkhup, Member HBCH in vaidawn thugeenna anei hi. Rev. K. Hangnung, Board Chairman, HBCH in Keynote address genna a nei a, amain a geenna ah vangsiatna tuahna tung ah anai agamla um loua, ahepha chiangtan in phatuamngaitah a thohkhawmte va pat bawl aum chu honna neih theih aihna ah petute leh sawmdawltute teng teng leh hitan chiang hung puitungtu Pathian kawmah kipaahthu genna nei hi. Rev. P. Khamthianmang, Director of Institution & Social Development, NTBCA in kipaahthu genna nei in, Rev. Khamminthang, Pastor NTBC T. Mimjang in hunkhaahna a nei hi.

Hi program hun sungin Governing Council Members NTBCA, Pastorte, Nam Lamkaite, NTBCA nuaia kouhtuam tuamtuam a lamkaite leh deihsaktu mun tuamtuam apat tamtah ki hel uhi.





# BOOK POST

(PRINTED MATTER)

POSTAL REGD. NO. MNP-60

To.

.....  
.....  
.....  
.....  
.....

PIN 

|  |  |  |  |  |  |
|--|--|--|--|--|--|
|  |  |  |  |  |  |
|--|--|--|--|--|--|

*If undelivered return to:*

**New Testament Baptist Churches Association**

Regd no. 1192 Of 1973 Under Society Act XXI of 1860

Post Box - 45 Bible Hill, Rengkai

Churachandpur - 795128, Manipur, India.